

Zeitschrift: Annalas da la Societad Retorumantscha
Herausgeber: Societad Retorumantscha
Band: 73 (1960)

Artikel: Nos giubilars
Autor: [s.n.]
DOI: <https://doi.org/10.5169/seals-225040>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.08.2025

ETH-Bibliothek Zürich, E-Periodica, <https://www.e-periodica.ch>

tuttina semegliurai da 38 sin 43 %. Igl ei l'obligaziun da nus Romontschs da cuntinuar cul survetsch d'informaziun ellas cuntradas tudestgas dil Grischun davart il character dalla cultura romontscha e davart ils sforzs che vegnan fatgs per francar l'existenza da quella.

Allura sesenta la Ligia obligada d'engraziar al *pievel romontsch* che ei quella gada semess en retschas serradas da Martina tochen Tschamut per segirar alla Ligia ed a sias societads affiliadas ina lavur bia pli intensiva per la dustonza ner basignusa dalla Romontschia.

Pintga cronica

Uniun federalista da gruppaziuns etnicas europeas (UFGE)

La UFGE cumpeggia 21 commembers ordinaris ed 11 commembers associats. La LR ei commember associat. En 10 principis fundamentals ei circumscret il dretg d'ina grupp. Princip 1 per semeglia secloma: Mintga gruppaziun ha il dretg inviolabel ed inalienabel a protezzion e manteniment da sia atgnadad. Princip 2: Scadin ha il dretg da sedeclarar (bekennen) tier ina naziunalitad ni gruppaziun etnica. Quei confess astga buca vegnir contestaus ni intercuretgs.

La UFGE seradunescha uonn per siu dieschavel congress sur Tschuncheismas a Zuoz. Ins quenta cun ina participaziun da ver 100 dels. Per la dumengia sera ei prevediu ina reuniun cul Chor mischedau da Zuoz che ha surpriu dad organisar igl entir arranschament. La LR vegn era ad esser representada.

Lein haver buna speranza che l'Engiadina semuossi quels gis en siu pli bi vestgiu da primavera. Possi la radunonza far bien cussegl en favur da sias aultas miras.

Nos giubilar

La Ligia ei seprofitada dalla cumplenida dils onns per gratular ed engraziar per lur buna lavur prestada en favur da tiara e pievel romontsch a:

Giunfra *Domenica Messmer* che ha cumplenu 40 onns da survetsch ella Stamparia engiadinaisa, en special sco collaboratura al «Fögl d'Engiadina» e «Fögl Ladin», da quels pli che 20 onns sco redactura.

Dr. *Antoni Perini*, igl uerbel president dalla Uniun dals Grischs, *Robert Camenisch*, igl anteriur burser dalla Societad Retoromontscha, *Tumasch Dolf*, il cumponist, dirigent e scriptur sutsilvan, dr. *Richard Menzel-Giamara*, il fideivel amitg dil romontsch, e dr. *Mar-*

tin Schmid, vegl directur dil Seminari e simpatisont dalla caussa romontscha che han cumplenu lur 70 avel anniversari.

Dr. *Gieri Federspiel*, il marcant e fideivel cumbattant per lungatg e tradiziun da siu Domat e da sias aclas, e v. prof. *Gion Battista Masüger* da Sarn, il nunstunclenteivel protectur e collectur dils vegls giugs retics da nies pievel, ch' ein vargai la sava digls *otgonta*.

Era da nos seniors el cumbat per la pascheivla dustonza romontscha, il cumponist e scribent *Hans Erni*, che ha il di da Nadal 1959 cumplenu siu 92 avel onn, e dil poet e scrutinader dalla historia da siu Bargugn *Gion Gianet Cloetta*, che ha cumplenu 85 onns, seregorda la Ligia cun sentiments d' engrazieivladad e respect.

L' Uniun dals Grischs da Firenze ha festivau en fuorma digna e familiara ses 50 onns d' existenza, radunond Ladins dall' entira Italia el Hotel Milan a Firenze. *Ottavio Steiner* ha referiu, fagend ina cuorsa atras la biala historia dalla secziun da Firenze dapi ils 1900, e *Jon Semadeni*, sco delegau dalla Ligia Romontscha a questa remarcabla ed unica fiasta dils Romontschs egl jester, ha purtau ils salids e buns giavischs dil Grischun romontsch.

Nos morts

Felix Huonder-Sutter 1886–1960. Naschius a Madernal, l' ucliva da Mustér, sin la spunda alla sbuccada dalla romantica Val Russein. Il buobet fa di per di il pulit tschancun via da scola si ed el vitg ed in pèr onns si en Claustra, nua ch' el empren spert e bein tudestg. Suentèr sepperfecziunescha el, il bia sco autodidact, en cuntinuada stretga relaziun cun la veta pratica e daventa contabilist en survetsch d' ina firma impressara duront la construcziun dalla viafier da Glion a Mustér. Finida quella lavur entupein nus il mudest e fidau giuven el biro d' advocatura da dr. Alois Steinhauser. Suentèr l' elecziun da lez ella Regenza survegn Felix ina piazza da confidanza tier l' organisaziun dils marcadonts da lenna dalla Svizra a Berna. Dapi ils 1920 survescha Felix Huonder nuninteruttamein all' Uniun svizra dils meisters-scrinaris cun sedia a Turitg, sco secretari e redactur da lur gasetta: «Schweizerische Baumeisterzeitung».

Els onns 20 vegnan fundadas in pèr societads romontschas, dentèr quellas era l' *Uniun romontscha da Turitg*. Felix Huonder ei confundatur e resta in bien padrin da quella tras tut ils onns.

E cu ils da Turitg han fundau lur Societad da Radiodiffusion ein els seregurdai da Felix Huonder cun siu senn exprimiu per damondas da tradiziun e cultura e da sia capientscha per la vart tecnic-commer-